



西夏書事卷三十八

青浦 吳廣成西齋

乾道八年金大定十二年夏乾祐三年春正月使賀金正日

使人武功大夫鬼惡執忠宣德郎劉昭昭後官賜

林學士進樞密直學士戶部侍郎集賢堂

三月使賀金萬春節

金主賜燕宋使工部尙書莫濛以國忌不肯簪花

聽樂金使趣之濛堅執不赴于是夏使武功大夫

党得敬宣德郎田公懿位次與高麗使抗

西夏書事 卷三十八

夏四月遣使賀金尊號

金主受羣臣尊號仁孝遣殿前馬步軍太尉訛羅

紹甫樞密直學士呂子温西使芭里直信往賀

秋七月請金復蘭州保安權場

金主謂其臣曰夏國以珠玉易我絲帛是以無用

易有用也令罷兩處權場仁孝請復不允通鑑輯覽云續

綱目作蘭安考金史地理志有蘭州無蘭安續綱目蓋仍金史夏國傳之誤

九月金使賀生日

使臣右衛將軍粘割斡特刺

冬十二月使謝金橫賜

先是金使宿直將軍唐括阿忽里來橫賜仁孝遣殿前太尉周榮忠樞密直學士嚴立本往謝

乾道九年

金大定十三年

夏乾祐四年春正月使賀金正旦

使人爲武功大夫卧落紹昌宣德郎張希道

二月克烈部長汪罕至河西假道走契丹

汪罕弟也力可哈刺怨汪罕多殺與乃蠻部長亦難赤發兵伐之汪罕部衆盡失與其屬走河西假道夏國仁孝饋以資糧俾由回鶻走野丹

西夏書事

卷三十八

二

三月使賀金萬春節

使人武功大夫鄒顯忠宣德郎王師信顯忠後官御史中丞師信旋擢翰林學士

夏五月朔日食于井

雲陰不見羣臣表賀仁孝却之

秋九月金使賀生日

使臣宿直將軍胡什賚

淳熙元年

金大定十四年

夏乾祐五年春正月使賀金正旦

武功大夫煞德進宣德郎李師旦與高麗使同至

高麗有三綱一賀正一謝遣使一謝賜羊酒夏惟
賀正謝遣而已金主因德進等獻禮物十二床馬
二十匹海東青五緇犬五賜賚與高麗使等

三月使賀金萬春節

使人爲武功大夫芭里安仁宣德郎焦蹈

秋九月金使賀生日

使臣宿直將軍完顏崇肅

冬十月克烈部長汪罕還自契丹入河西大掠

汪罕在契丹與其部衆不協復叛歸道經河西中

西夏書事

卷三十八

三

路糧絕縱其部下剽抄仁孝遣兵擊逐汪罕敗走
蒙古鉄木眞遣部衆迎之乃免

淳熙二年

金大定十五年

夏乾祐六年春正月使賀金正日

使人武功大夫李嗣卿宣德郎白慶嗣嗣卿後知
興慶府擢殿前太尉

秋九月金使賀生日

使臣符寶郎斜也和尙

冬十二月使謝金橫賜

先金使橫賜仁孝遣興慶尹訛羅紹甫翰林學士

王師信往謝

淳熙三年

金大定十六年

夏乾祐七年春正月使賀金正旦

使人爲武功大夫鬼宰師憲宣德郎宋宏

三月使賀金萬春節

金主以月朔日食命賀節使次日朝見使人武功

大夫骨勒文昌宣德郎王禹珪同高麗使入賀

秋七月旱

蝗大起河西諸州食稼殆盡

九月金使賀生日

西夏書事

卷三十八

四

使臣宿直將軍完顏覲古

淳熙四年

金大定十七年

夏乾祐八年春正月使賀金正旦

使人武功大夫訛嚟德昌宣德郎楊彥和彥和參

知政事彥敬弟

二月金復禁綏德權場

金主以西遼邪律大石諸部不靖恐與夏國交通

命陝西沿邊權場止畱一處令所司嚴察奸細于

是夏國綏德權場亦罷

三月使賀金萬春節

使人武功大夫芭里慶祖宣德郎梁宇慶祖殿前
太尉昌祖弟宇金吾衛上將軍元輔姪歷官翰林
學士進御史大夫

秋九月金使賀生日

使臣尙書兵部郎中石抹忽土

冬十一月獻百頭帳十金

仁孝自出新意命工造百頭帳獻金金主以夏國
貢獻自有方物却之仁孝再以表上曰所進帳本
非珍異若不蒙收納則夏國深誠無所展效四方

西夏書事

卷三十八

五

鄰國以爲夏國不預大朝眷愛之數將何所安金
王乃許與正日使同進

十二月東經略使蘓執禮如金橫進

仁孝感金王德意常貢之外復遣執禮往獻

淳熙五年

金大定十八年

夏乾祐九年春正月使賀金正日

使人爲武功大夫惡惡存忠宣德郎武用和

三月使賀金萬春節

使人爲武功大夫崑名仁顯宣德郎趙崇道

夏四月金使來橫賜

使臣太子左贊善兼翰林修撰阿不罕德甫

五月克烈部亦刺哈犯界擊走之

汪罕與蒙古不協將兵攻之戰敗爲乃蠻所殺其子亦刺哈逃入夏境大恣剽掠仁孝遣兵擊之亦刺哈走龜茲國被殺

秋九月金使賀生日

使臣侍御史完顏蒲魯虎

侵金麟州誘其酋祿東賀叛毀其州城

夏將蒲魯合野侵金麟州至宕遵源誘邛都部酋

西夏書事

卷三十八

六

祿東賀與之通遣蕃僧諦刺約日爲應共擊金兵敗之擄金帛子女數萬遂毀其城

按

書侵書誘罪夏也書毀城罪又甚矣仁孝內患方除貪心旋起以怨報德不亦異哉

冬十二月遣使如金謝橫賜

使人爲殿前太尉浪訛元智翰林學士劉昭

淳熙六年

金大定十九年

夏乾祐十年春正月使賀金正旦

使人爲武功大夫張兼善宣德郎張希聖

三月使賀金萬春節

使人武功大夫來子敬宣德郎梁介介後為秘書
少監歷官南院宣徽使

秋九月金使賀生日十八日

使臣太子左衛率府裴滿胡刺

淳熙七年金大定二十年夏乾祐十一年春正月使賀金正

旦十二月

使人武功大夫安德信宣德郎吳日休

三月使賀金萬春節

使人武功大夫岡進忠宣德郎王禹玉進忠後知

西夏書事 卷三十八 七

興慶府歷右樞密使禹玉官翰林學士

秋九月金使賀生日

使臣少府監完顏賽補

冬十二月使如金橫進

初金主詔有司夏使入界如遇月小盡限二十五

日至都二十七日朝見使人御史中丞岡承德等

遲期一日遂于二十八日朝見

淳熙八年金大定十一年夏乾祐十二年春正月使賀金

正旦請復綏德權場

先是金尙書奏夏國與陝民越境盜竊財畜姦人
托名貿易潛相往來恐爲邊患請盡罷東勝環州
等處權場金主不許仁孝因東勝繚遠貿易不便
遣武功大夫謀寧好德宣德郎郝處俊賀正遣御
史中丞罔永德請復保安蘭州綏德三處權場金
萬主以保安蘭州地無繇泉且稅少綏德爲要地令
置關市以通貨財

三月使賀金萬春節

夏使人爲武功大夫蘇志純宣德郎康忠義

西夏書事

卷三十八

八

夏四月金使來橫賜

使臣滕王府長史把德固

淳熙九年

金大定十二年

夏乾祐十三年春三月使賀金

萬春節

使人武功大夫高俊英宣德郎李文政俊英官至

兵部侍郎文政樞密直學士進殿前太尉

秋九月金使賀生日

使臣尙輦局使僕散曷速罕

淳熙十年

金大定十三年

夏乾祐十四年春正月使賀金

正旦

使人武功大夫劉進忠宣德郎李國安國安後官翰林學士刑部尚書

三月使賀金萬春節

使人武功大夫吳德昌宣德郎劉思忠思忠進忠弟先後奉使不辱君命國人以爲榮

秋八月國相韓道冲卒

道冲爲相十餘年家無私蓄卒之日書數床而已

仁孝圖其像從祀學宮俾郡縣遵行之

虞集文集後夏亡廟

西夏書事

卷三十八

九

學盡壞惟甘州僅有其迹涼州有殿及廡焉集得道冲遺像贊之曰西夏之盛禮事孔子極其尊親以帝廟祀乃有儒臣早究典謨通經同文教其國都遂相其君作服施采顧瞻學宮遺像斯在國廢時遠人鮮克知壞宮改作不聞金絲不

忘其親在賢孫子載圖丹青取徵良史

九月金使賀生日

使臣宿直將軍完顏斜里虎

淳熙十一年

金大定二十四年

夏乾祐十五年春正月使賀

金正旦

使人武功大夫劉執中宣德郎李昌輔昌輔後爲

樞密直學士

二月金使橫賜

使臣器物局使完顏直

三月使賀金萬春節

使人武功大夫晁直信宣德郎王庭彥

夏五月遣使奏告于金

金主幸上京仁孝遣中書舍人梁宇等奏告將遣

使賀金主以暑雨泥濘往復萬里諭止之

秋九月金使賀生日

使臣侍御史遙里特末哥

西夏書事

卷三十八

十一

冬十一月金使止正旦生日使

金主在上京以天寒道遠其宋與高麗夏國賀正

旦生日使不須遣發特令有司報諭

淳熙十二年

金大定十五年

夏乾祐十六年春二月西遼

假道伐金

西遼主大石死子孫相繼西方諸部仍以大石名

之是時遣使至夏假道伐金中國謀者以聞孝宗

密詔利西都統制吳挺與制置使雷正議之已而

不果

宋史夏國傳西遼假道在二月孝宗紀在四月

冬十一月遣使如金賀

金主自上京還仁孝遣御史大夫李崇懿興慶尹米崇吉押進甌匣使李嗣卿往賀尊安

淳熙十三年金大定二十六年夏乾祐十七年春正月使賀

金正旦

金主以宣孝太子薨未大燒飯金喪祭各詔權停三日

使人武功大夫麻骨進宣德郎劉光國與宋高麗使各賜在館宴

三月使賀金萬春節

西夏書事

卷三十八

十一

是月丙午朔日食金主改用次日使人武功大夫麻骨德懋宣德郎王慶崇子丁未日朝見

夏四月利西都統制吳挺使來結援

史臣曰當時議論可否及夏人從違史不具載蓋闕文也

秋九月金使賀生日

使臣宿直將軍李達可

淳熙十四年金大定二十七年夏乾祐十八年春正月使賀

金正旦

使人武功大夫完德昭宣德郎索遵德

三月使賀金萬春節

使人武功大夫野遇忠輔宣德郎呂昌齡野遇西

夏大族忠輔磊落英發歷官左樞密使爲時名卿

秋九月金使賀生日

使臣武器署令斜卯陶土

冬十二月使謝金橫賜

先金使來橫賜仁孝遣殿前太尉訛羅紹先樞密

直學士嚴立本往謝紹先與慶尹紹甫兄也

西夏書事

卷三十八

三

淳熙十五年

金大定二十八年

夏乾祐十九年春正月使賀

金正旦

使人武功大夫麻奴紹文宣德郎安惟敬

三月使賀金萬春節

使人武功大夫渾進忠宣德郎鄧昌祖往賀金主

御慶和殿受朝賜羣臣及三國人使宴極歡

秋九月金使賀生日

使臣鷹坊使完顏崇夔

淳熙十六年

金大定二十九年

夏乾祐二十年春正月賀正

使自金還

金主大漸不能視朝遂諭夏使與高麗使先還

二月金使來告哀三月遣使慰奠

世宗薨也仁孝遣殿前太尉李元貞翰林直學士

餘良陳慰進奉使御史中丞鄒顯忠等往奠

夏五月使賀金卽位

使人知興慶府事迺合思敬田周臣等

六月金移文報天壽節

金主璟誕也令于九月一日稱賀金史禮志大定二十九年三月

西夏書事

卷三十八

七

章宗在諒陰右丞相襄言以正月十一日或三月十五日為聖節定外國使人過界之期平章政事張汝霖參知政事劉瑋刑部尙書完顏居貞皆言不可上初從之既而竟用襄議令有司移報使明知聖誕之實特改其期以示優待行人之意與章宗本紀稍異

秋八月遣使如金賀

使人鬼名彥劉文慶往賀金主以世宗喪不受朝

九月金使賀生日

使臣隆慶宮衛尉把思忠

宋光宗紹熙元年金章宗璟明昌元年夏乾祐二十一年春正

月使賀金正旦

金主以世宗喪不受朝使人武節大夫唐彥超宣
德郎楊彥直不得入見彥直亦彥敬弟

夏四月金使來橫賜

使臣鷹坊使移刺寧

秋九月金使賀生日

使臣武衛軍副都指揮使烏林答謀甲

冬十二月侵金嵐石等州

先是夏使至金許帶貨物與富商交易大定中使
者輒市禁物世宗令于都亭貿易獲利漸少及金

西夏書事

卷三十八

古

至璟立以夏國臣屬久凡橫賜生日使禮意頗倨
仁孝怒以兵侵嵐石等州掠人畜而還

紹熙二年

金明昌二年

夏乾祐二十二年春正月使賀金

正旦

仁孝雖侵金邊境仍遣武節大夫王全忠宣德郎
張思義賀正金主以世宗服未除不受朝故事夏
使貿易三日金主止許一日尙書省以故例請金

主勉從之

二月金使來報哀

皇太后喪也且賜遺物仁孝遣使奠慰

夏五月攻金鄜坊二州破之掠保安州

金主娛情聲色荒於政事凡屬國使者至羈遲不
卽見有上章求去者仁孝乘其間遣兵破鄜坊二
州至保安州大掠而歸

秋九月使賀金天壽節

使人武節大夫孰崑英宣德郎焦元昌金主以皇
太后喪不受朝賀

金使賀生日

西夏書事

卷三十八

五

使臣西上閣門使白琬

冬十月侵金鎮戎軍殺其將阿魯帶

邊人肆牧于鎮戎境執金邏卒金將阿魯帶率兵
追逐右廂吳明契信陵都卜祥徐餘立伏兵澗中
襲殺阿魯帶取其弓甲掠牲畜無筭

紹熙三年

金明昌三年

夏乾祐二十三年春正月使賀金

正旦

使人武節大夫趙好德宣德郎史從禮金主仍不
受朝賜燕還

三月殺吳明契等以謝金

金主以鎮戎之役遣使誥責仁孝歸罪明契等處
以徒刑金主不從索之不已乃殺以謝

秋九月使金賀天壽節

使入武節大夫閔敦信宣德郎韓伯容金主仍不

受朝

金使賀生日

使臣郊社署令唐括合達

紹熙四年

金明昌四年

夏乾祐二十四年春正月使賀金

西夏書事

卷三十八

十六

正旦

金主以太后服未除不受賀使人武節大夫吳喲
遂良宣德郎高崇德等仍不得見崇德後知興慶
府著政績號爲神明

夏五月金使來橫賜

使臣尙廐局使石抹貞

秋九月使賀金天壽節

金主始御大安殿受親王百官朝賀使人武節大
夫龐靜師德宣德郎張崇師與宋高麗使同見

國主仁孝卒子純佑立

年七十

宋史夏國傳仁孝卒于是月二十日

在位五十五年改元四

謚曰聖祖皇帝廟號仁宗墓號壽陵純佑時年十七章獻欽慈皇后羅氏生

論曰仁孝初立境宇小康人民樂業未幾而地

震歲飢沙飛泉湧天灾洊至荒亂頻仍洵國步

孔艱哉然能崇儒學禁奢侈修國史製新律又

尊孔子爲帝增弟子員至三千人典章文物燦

然成一代宏規蓋幾輒遠金而上之矣惜其既

西夏書事

卷三十八

七

誅得敬漸啟侈心致與金爲好不終亦晚節之累也

冬十一月告哀于金且獻遺物

純佑遣御史大夫李元吉翰林學士李國安如金

訃遣殿前太尉晔銘友直等獻遺物

十二月金使來祭慰

初金主遣西上閣門使大畧賀夏至生日至是因

仁孝卒卽以爲勅祭慰問使

紹熙五年

金明昌五年

夏天慶元年春正月使賀金正旦

使人武節大夫恧恧世忠宣德郎劉思問思問後
官樞密直學士

金使賜封冊

金遣國子祭酒劉璣尙書右司郎中烏古論慶裔
爲封冊使左司都事李仲略爲讀冊官立純佑夏

國王兼起復

夏四月遣謝封使如金

御史中丞浪訛文廣樞密直學士劉俊才押進知
興慶府事野遇克忠往金報謝

西夏書事

卷三十八

文

秋九月使賀金天壽節

金主宴于樞光殿使人武節大夫野遇思文宣德
郎張公輔賜賚甚優思文知興慶府克忠族弟官
至金吾衛上將軍公輔翰林學士進御史中丞

冬十月金使賀生日

使臣引進使完顏衷純佑遣御史大夫李彥崇知
興慶府事郝庭俊往謝

西夏書事卷三十八終

西夏書事卷三十九

夏人知滑大夫員青浦官吳廣成西齋纂纂五

宋寧宗慶元元年

金明昌六年

夏天慶二年春正月使賀

金正旦尚書左丞源中諱騰時

使人為武節大夫王彥才宣德郎高大節

夏四月貢馬于金不受

金故事西北諸國歲貢馬八百匹時完顏宗道除

西北路招討使辭不受諸部皆免純佑遣使謝

秋九月使賀金天壽節

西夏書事

卷三十九

一

故事夏使如金至會同館金主遣使撫問使人依

例書送以禮物是時金用兵北方軍務旁午撫問

使頗索貨賄使人武節大夫宋克忠宣德郎吳子

夏正言折之乃止

冬十月金使賀生日王意木宜齋源高大節

金使臣尚書左司郎中粘割胡上

慶元二年

金承安元年

夏天慶三年春正月使賀金正旦

使人武節大夫員元亨宣德郎元叔金制賀正使

西十二月二十九日入見上年十二月己卯立春

金主命于前二日丁丑先見俟至正旦行賀禮

夏五月金使來橫賜

使臣尙藥局副使粘割忠

秋九月使賀金天壽節

先是金主勅夏使與高麗使入見敷奏令新設各國通事具公服與閣門使上殿監聽使人武節大夫

同崇義宣德郎呂昌邦等遵新制奏告

冬十月金使賀生日

使臣國子監丞烏古論達吉不

西夏書事

卷三十九

十二月越王仁友卒降封其子安全爲鎮夷郡王

仁友仁孝族弟深沉有器度初封郡王任得敬擅權志危國本誣殺宗親仁友深自韜晦口不言國事及仁孝謀誅得敬陰奉命誘執任得聰任得仁等得敬勢孤乃伏誅以功封越王至是卒子安全天資暴狠心術險鷲上表誦先世功冀嗣爵純佑不許封鎮夷郡王安全由是生怨

慶元三年

金承安二年

夏天慶四年春正月使賀金正旦

使人武節大夫嵬名世安宣德郎李節廣世安夏

宗室官至御史大夫廉約清峻絲毫不妄取刻厲
若貧士卒後廬舍蕭然僅庇風雨而已

秋九月使賀金天壽節

使人為武節大夫囉嚒守忠宣德郎王彥國

復置保安蘭州權場

純佑遣知興慶府事李德冲樞密直學士劉思問

奏告請復權場金主許復工市尋遣殿前太尉李

嗣卿知興慶府事高崇德奉表謝

冬十月金使賀生日

西夏書事

卷三十九

三

使臣禮部員外郎蒙括仁本

慶元四年

金承安三年

夏天慶五年春正月使賀金正日

己亥朔日食金主改辛丑日入賀諭有司凡館接

伴與使者毋以語言相勝務存大體使人武功大

夫隗敏修宣德郎鍾伯達館燕益謙牧盡禮

夏四月以劉忠亮為南院宣徽使

忠亮質直端重有大臣體鎮夷郡王安全漸干政

忠亮正色立朝臨事是非不稍回折安全誘以甘

言忠亮曰是餌吾也終不顧先安安全篡一年卒臨

終謂子思義曰吾不能爲國紓難負恩多矣宜布衣入棺以志吾恨思義遵遺命亦不復仕

秋九月使賀金天壽節

使人爲武節大夫折啜俊又宣德郎羅世昌

冬十月金使賀生日

使臣客省使移刺都添想

慶元五年

金承安四年

夏天慶六年春正月使賀金正旦

故事夏使如金至燕賓館更衣由宜照門入館伴及書表牽攏宮在路迎候邀入會同館謂之聚廳

西夏書事

卷三十九

四

使者與館伴交銜畢然後相見三節人從以次互相參拜是時金主易館名恩華所經橋道先期修治賜酒賜菓皆從厚使人武節大夫李慶源宣德郎鄧昌祖入見金主悉慰勞之

夏五月金使來橫賜

使臣宿直將軍徒單仲華

秋九月使賀金天壽節

使人武節大夫紐尙德昌宣德郎李公達

遣使如金謝橫賜

使人殿前太尉迺令思聰樞密直學士楊德先且
冬十月金使賀生日與興祿專田文燾於樞

使臣兵部郎中完顏撒里合謀於時武金吾論士

慶元六年金承安五年夏天慶七年春正月太后羅氏疾

因賀正使求醫于金馮滌滌言宜盪瀝下補風視書

大夏國鮮醫藥有疾但占筮令厮者送鬼或遷他室

謂之閃病俗以巫為厮也羅氏病頭風久不愈純

佑遣武節大夫連都敦信等至金賀正附奏求醫

金使太醫時德元王利貞來治並賜藥物

西夏書事 卷三十九 五

秋八月遣使如金謝

純佑以母疾愈遣南院宣徽使劉忠亮知興慶府

事高永昌如金謝恩

九月使賀金天壽節

使人為武節大夫連都敦信宣德郎丁師周

冬十月金使賀生日

使臣宿直將軍完顏觀音奴純佑使左金吾衛上

將軍野遇思文知興慶府事田文徽往謝

嘉泰元年金泰和元年夏天慶八年春正月使賀金正旦

使人爲武節大夫臥德忠宣德郎劉筠國

秋九月使賀金天壽節

使人爲武節大夫柔思義宣德郎焦思元

冬十月金使賀生日

使臣刑部員外郎完顏綱故事饋金使禮物視書

幾道爲多寡是時綱賫二詔至純佑厚饋之

十一月金人浚濠入界詰之不報

金羣牧使耶律德壽叛金主遣將斬之恐其餘黨

復擾集民夫浚邊界濠塹東自高麗西連夏境列

西夏書事

卷三十九

六

屯數千里純佑怒其入界遣使詰之金人不報

嘉泰二年

金泰和二年

夏天慶九年春正月使賀金正旦

使人武節大夫白克忠宣德郎蘇寅孫

夏四月甘州守曲也怯律子察罕入于蒙古

察罕初名益德其母甘州守臣曲也怯律妾方妊

不容于嫡以配掌牛羣者及里木生稍長及里木

挈至北方牧羊于野植杖于地脫帽置杖端而拜

蒙古部長鐵木真過而問之對曰獨行則帽在上

而尊二人行則年長者尊今獨行故致敬于帽且

聞有大官至先習禮儀耳鐵木真挈以歸賜蒙古
姓給事內廷授及里木牧馬職

秋九月使賀金天壽節御各幣一令論寶玉籍未幾
使人爲武節大夫籍辣忠毅宣德郎王安道書工

冬十月金使來賀生日及橫賜吾入爲溫武軍太
使臣宿直將軍統石烈毅時與瀛王府司馬獨吉
溫先後至純佑遣殿前太尉李建德知興慶府事

楊紹直往謝

嘉泰三年金泰和三年夏天慶十年春正月使賀金正旦

西夏書事

卷三十九

七

使人武節大夫崔元佐宣德郎劉彥輔

三月策士賜宗室遵頊進士及第

遵頊齊王彥忠子彥忠材器英敏善騎射饒武略
遇事敢爲任得敬害其能中以蜚語貶守涼州在
郡有政績蕃漢畏懷得敬誅召入爲馬步軍太尉
卒諡忠武遵頊端重明粹少力學長博通羣書工
隸篆純佑廷試進士唱名第一令嗣齊王爵未幾

擢大都督府主

秋九月使賀金天壽節御各幣一令論寶玉籍未幾

使人武節大夫崑德元宣德郎高大亨大亨與兄
大節大倫並奉使金國金人號爲三俊 史臣曰
西夏子弟多賢俊國亡後元主訪求河西遺逸至
形之詔諭良有以也

冬十月金使賀生日

使臣蘄州刺史完顏太平

嘉泰四年

金泰和四年

夏天慶十一年春正月使賀金正

旦

使人武節大夫梅訛字文宣德郎韓師正

西夏書事

卷三十九

八

秋八月夏州豕生麟

麟一身二首州民以獻安全使人占之云一國兩

主兆也安全喜遂蓄纂謀

九月使賀金天壽節

使人武節大夫李德廣宣德郎韓承慶

冬十月金使賀生日

使臣提點尙衣局完顏燮

十一月白氣亘天

貫東井輿鬼之次

開禧元年

金泰和五年

夏天慶十二年春正月使賀金正

旦

天大雪越日金主御衍慶宮受朝使人武功大夫野遇惟德宣德郎高大倫同宋高麗使入賀

三月太白晝見

日者云主兵亂

蒙古初來侵破力吉里砮

蒙古鐵木真之先曰孛端叉兒

蒙古源流孛端叉兒鐵木真十世祖

母為阿蘭果火

通鑑輯覽云元史太祖紀阿蘭果火嫁脫奔咩哩孛生二子而寡夜

西夏書事

卷三十九

九

寢夢白光入帳化為金神趨其臥榻覺而有孕產一子即孛端叉兒也陳桎通鑑續編阿蘭果火生二子而寡有光照腹復生三子孛端叉兒其季也考蒙古源流神人語與元史合而生三子則同陳說
孛端叉兒生而狀貌奇異其後子孫蕃衍各自

為部居烏桓北與畏羅乃蠻九姓回鶻故城和林

接壤世奉貢于遼金而總隸于韃靼九傳至也速

該并合諸部益盛大攻塔塔爾部獲其部長鐵木

真還至跌里溫盤陀山生子因名焉也速該卒鐵

木真幼族人泰赤烏合七部三萬人攻之鐵木真

與母月倫分所部為十三翼縱擊大敗泰赤烏悉

降其所部未幾塔塔爾叛金鐵木真自斡難河會
金師滅之以功授察兀禿魯猶中國之招討使也
又與乃蠻部戰于帖麥垓川殺其酋長太陽罕餘
衆潰走鐵木真益強至是引將怯古里禿耶律阿
海等部兵入河西攻力吉里砮破之縱兵躡瓜沙
諸州純佑不敢拒

元史耶律阿海傳謂
攻西夏在癸未冬誤

大猷人畜

夏四按蒙古地處北方與夏境遼遠千里兵行士有
飢色純佑聞兵入境或整衆以挫其銳或設伏
以邀其歸蒙古雖強應知顧忌奈何任其蹂躪
西夏書事

卷三十九

十

絕不以一矢相加遺始卽示之以弱何怪後日
之更舉乎故書初以見夏國之亡兆于此

夏四月蒙古兵還掠落思城

蒙古主以天暑將盛引兵還經落思城大掠人畜

去

六月天鳴有聲

在西南方已而熒惑犯太微右執法羣臣上章請

赦

更興慶府爲中興府峯爾達金鐵木真自斡難河會

純佑以蒙古兵退修復被兵諸城堡大救境內改
興慶爲中興府其主錄帶自宣德元應天
秋九月使賀金天壽節高宣慶順被景

先是金使來橫賜純佑遣武節大夫趙公良宣德
郎米元懿賀節並遣殿前太尉迺合思聰知中興
府通判劉俊德往謝

黑雲起西北方日陰更乃散
間赤色如火次及西南有白氣貫其中每至夜四

西夏書事

卷三十九

七

冬十一月遣兵攻蒙古不戰而還

純佑聞蒙古侵金與河東監軍完顏天驥相持乘
虛以兵入其境行數日無所得諜報蒙古已敗金
兵回師來救乃還

開禧二年金泰和六年蒙
古太祖元年夏天慶十三年春正月使

賀金正旦對來海顯赫對彭五贈大夫公夏宣

使人武節大夫紐尙德宣德郎鄭昂

鎮夷郡王安全廢其主純佑自立改元應天

安全久專國政是月二十日純佑之廢續綱目在
七月宋史夏國傳在

正月金史夏國傳與純佑母羅氏廢純佑自立改
在三月三書互異

天慶十三年為應天元年宋史夏國傳安全廢純佑自立明年改元應天

則應天止有三年與四年文異傳疑誤

按純佑之廢羅氏有力焉獨書安全誅主謀也

安全素操國政久蓄異謀卽無羅氏其能免篡

逆之事乎故專罪之

三月故主純佑暴卒于廢所不入而與廢同來書

年三十在位十四年改元一諡曰昭簡皇帝廟號

桓宗墓號莊陵

西夏書事

卷三十九

七

按國君善終者不地弑則書地考宋史載純佑

廢遂卒金史純佑既廢再閱月死于廢所皆無

異詞也然無罪被廢廢不久而死與弑何殊書

暴卒書地春秋誅意法也

論曰純佑仁慈恭儉在位十四年四郊鮮兵革

之患國中無水旱之虞蓋西夏小邦但能循舊

章安無事已稱善守矣卽其宮闈間未聞失德

乃以宗孽擅權失愛母氏位遭幽奪身死廢所

哀哉後羅氏表中訾其不能嗣守其中委曲史

金師少明文亦千古疑案也

夏六月羅氏爲安全請封于金金遣使詰之

羅氏遣御史大夫罔執中奉表至金言純佑不能嗣守與大臣議立安全請賜封冊執中朝辭私問館伴官奏告事詔許否館伴官曰此不當問也執中曰明日當問諸客省使若又不答則升殿奏請客省使以聞金主遂遣使詰羅氏廢立之故

按

安全內盡羅氏隱遂篡謀顯求封冊方謂其

惡莫知金使一詰雖不能明正其罪亦足使亂

西夏書事

卷三十九

三

臣賊子懼矣

秋七月金使冊安全爲夏國王

羅氏復奉表飾辭陳請金主始遣朝議大夫尙書左司郎中溫迪罕思敬太常少卿黃震冊安全爲夏國王安全待金使加禮

冬十二月遣使如金謝封冊

使人御史大夫謀寧光祖翰林學士張公甫

開禧三年

金泰和七年蒙古太祖二年

夏應天二年春正月使賀

金正旦

使人爲武節大夫隈敏修宣德郎鄧昌福金史高麗傳泰

和七年正月用兵伐宋夏亦有故賀使不至獨高麗使賀正詔罷曲宴與章宗紀及交聘表異

秋七月遣使如金贖人口將去後爲

金主詔邊吏細核盡數放還夏國有藏匿者以違

制論且金對質主日

九月使賀金天壽節對惡安全出

使人武節大夫囉嚙思忠宣德郎安禮與高麗使

衛尉少卿徐玘會金有司奏大定初宋未請和夏

高麗使者賜曲宴今請依大定故事時金主不賜宴故請金

西夏書事 卷三十九 十四

主從之

蒙古來伐

蒙古主聞安全廢主自立遣兵攻之取斡羅孩城

按前書侵茲書伐何惡安全也

冬十二月金使賀生日

使臣符寶郎烏古論福齡安全遣殿前太尉習勒

遵義樞密都承旨蘇寅孫往謝

按金賀生日使止此

嘉定元年金泰和八年蒙古太祖三年夏應天三年春正月使賀

金正旦

使人武節大夫渾光中宣德郎梁德懿光中樞密

都承旨進忠弟歷官參知政事德懿後為翰林學

士

二月蒙古兵還

蒙古兵駐斡羅孩城四出侵掠安全集右廂諸路

兵以拒蒙古主見夏國兵勢尚盛不敢驟進逾五

月糧匱引還

附 金史交聘表泰和八年三月夏樞密使李元

西夏書事

卷三十九

五

吉觀文殿大學士羅世昌等來奏告按奏告何

事紀傳無攷

秋七月大稔

時諸路旱蝗河南高田種不入土中國與金地荒

歉者多惟夏國及北方稻麥皆大熟

按 大稔瑞應也而見于安全之世是猶春秋魯

桓之有年宣之大有年也

冬十月使賀金天壽節

時金與中國交兵移天壽節于十月十五日安全

西遣武節大夫李世昌宣德郎米元傑往賀元傑秘

書少監元懿弟 青浦 吳廣成西齋 纂

嘉定 附 金史交聘表冬十月夏參知政事浪訛德光

光祿大夫田文徽等來奏告章宗紀冬十月夏

國有兵遣使來告意所告蒙古兵也攷元史太

祖紀二年秋帝征西夏三年春至自西夏四年

春帝入河西是三年自夏及秋元未嘗用兵于

夏不知何以有告金史疑誤

西夏書事

卷三十九

六

真不... 告金史疑誤

春帝入河西... 元未嘗用兵于

... 西夏四年

... 元史

... 告金史疑誤

... 西夏

冬書... 壽節

... 元

西夏書事卷四十一

青浦 吳廣成 西齋 纂

嘉定二年

金主允濟大安元年蒙古太祖四年

夏應天四年春二月朔

太白晝見

其光經天

三月蒙古兵入河西大都督府主高逸死之

金叛人李藻田廣明等勸蒙古伐金蒙古主恐夏

國議其後先舉兵出黑水城北由兀刺海關口入

河西安全遣世子承禎為主將以大都督府令公

西夏書事

卷四十一

高逸為副元帥督兵五萬禦之天敗逸被獲不屈

死

夏四月兀刺海城降

蒙古兵圍城豐州人謝睦歡勸守將出降太傅西

璧氏率兵巷戰被俘

秋七月破克夷門

克夷為中興府外衛兩山對峙中通一徑懸絕不

可登曩霄時嘗設右廂朝順監軍司兵七萬守之

安全聞蒙古兵深入遣嵬名令公復率兵五萬以

拒蒙古兵至嵬名令公自山坡馳下擊敗之相持
兩月備漸弛蒙古主設伏以待遣遊兵誘之入伏
獲之遂破克夷于皇矣建元春三月嵬名
圍中興府九月引河水以灌城夏人之懾恐而金之
蒙古主引兵薄中興府安全親督將士登城守禦
蒙古兵不能破會大雨河水暴漲蒙古主遣將築
防遏水灌城居民溺死無算遣使以禮請乃

冬十月遣使乞援于金金人不應

中興受圍月餘安全遣使至金乞援金羣臣皆曰

西夏書事

卷四十

二

西夏若亾蒙古必來加我不如與西夏首尾夾攻
可以進取而退守金主曰敵人相攻吾國之福何
患焉遂不出兵

按是時蒙古兵三入夏矣夏弱則蒙古強于金

亦有不利焉乃金主以兩國相爭爲福是豈知
唇亾齒寒之義哉不特啟夏人之構怨而金之
亾于蒙古亦于是決矣

十二月河隄決蒙古遣使諭降安全納女請和入外
河水久灌城址將圯會外隄決水勢四潰蒙古兵

不能支遂解圍退已遣其太傅訛答入城諭降安
全乃納女請和

嘉定三年

金大安二年蒙
古太祖五年

夏皇建元春三月鬼名

令公自蒙古還主顯太帶代又顯謀藥二無阻

金太傅西壁氏病死鬼名令公被囚蒙古主數使人

稟諭降不聽日居士室中蓬首垢面食惟粗糲志不

稍屈及安全請和聞令公未死遣使以禮請乃縱

還

秋八月攻金葭州

西夏書事 卷四十 三

金隴外十州地介宋夏之間與諸蕃雜處素無重

鎮戍守安全怒金不發援兵遣萬騎攻葭州以報

之

嘉定四年

金大安三年蒙
古太祖六年

夏皇建元春正月使賀

金正旦

令夏使朝辭金主賜衣帶外又賜貂裘二無則使者

代以銀三錠副代以帛六十疋至是金主並削之

禮臣請不許味

三月有黑氣起北方

廣若長隄內有三白氣貫之如龍虎狀

夏五月黑塔坦國攻河西禦之敗績

塔坦之先與女真同類有黑白二種時黑塔坦王
白廝波強盛兼併諸族地起兵攻夏河西州郡安
全親率兵拒戰大敗失其公主遣使請以臣禮事
塔坦方退自是國勢益衰

按

黑塔坦爲西蕃別種乃蠻夷之最賤者安全
旣失其女復乞爲臣辱國甚矣

秋七月齊王遵頊立改元光定

西夏書事

卷四十

四

遵頊于是月三日立時年四十九改皇建二年爲

光定元年 史臣曰遵頊之立也較安全卒前一

月安全有子承禎不得嗣金衛紹王無實錄莫得
其故也

按

遵頊之立史不詳其故然前安全死一月安
全有子不得立是可疑也故書立書改元與安
全文不甚異以見安全之位如是得亦如是失
出爾反爾徒受大惡之名而已

八月安全死

年四十二于是月五日卒在位六年改元二諡曰

敬穆皇帝廟號襄宗墓號康陵

冬十月按安全書死不書卒篡逆之人不得正其終也

與前書趙保吉同

論曰安全派惟支庶爵重宗藩妄肆好心篡奪

君位律以天討罪豈容誅況在位六年無善可

紀見蒙古之強納以女背金源之德加以兵鮮

恥寡恩曷足挂齒然止能及身而不能傳世則

有天主意存焉

西夏書事

卷四十

五

遣兵犯金東勝城

金界西出天山外包東勝直接夏境遵頊遣萬騎

圍之勢危甚金西南路馬軍萬戶紇烈石鶴壽救

之突圍入城乃解

按書犯罪遵頊也夏與金構兵莫甚于遵頊觀

于嗣立伊始即啟爭端何怪後日紛紛乎

冬十一月侵金涇邠三州圍平涼府

慶陽德順平涼皆陝西重地金人恃西邠爲扼塞

自夏兵屢至諸州皆繕城積粟團結兵爲脩道

項聞蒙古兵直入中都

以兵萬餘擾邠岐金陝西

安撫使檄同知轉運使事韓玉募兵萬人赴援夏

兵不勝劉祁歸潛志云玉出屯華亭與夏人戰敗

之華亭疑華州之誤考金史韓玉傳不言

其時遵項圖平涼聞玉引兵抵北原疑金軍大至

遂解圍項圖平涼聞玉引兵抵北原疑金軍大至

其詳金史蒲察鄭畱傳大安二年知慶陽府三年

夏人犯邊擊走之攷衛紹王紀夏人犯慶陽在

至寧元年六月不在大安三年疑傳有誤會同

嘉定五年金崇慶元年蒙古太祖七年夏光定二年春正月使賀

西夏書事 卷四十 六

金正旦 遵項遣使如金賀正故事夏使至金互市于會同

館時金有貴戚與使人貿易監察御史聶天驥奏

其事金主禁之令夏使速回二年秋夏使速回三年

按西夏賀金正旦使止此西夏賀金正旦使止此

三月金使來賜封冊三月金使來賜封冊

金兵與蒙古戰敗績于渭河堡遵項乘其敗頻侵

邊境而金封冊使仍至事詳金史與西夏封冊使

攻金葭州攻金葭州

金延安路兵馬總管完顏奴婢卻之

冬十二月遣使如金謝封冊中大路出只突大會狀

遵頊志與金構難受冊久之始遣使謝而賀正使

仍不遣

嘉定六年

金至寧元年九月宣宗珣
貞祐元年蒙古太祖八年

夏光定三年春

三月太陰與太白並見金主璽嚴奉戒諭殺來聘答

相去僅尺餘

夏六月侵金保安州破之圍慶陽府谷糧

保安既破獲州刺史殺之又犯慶陽殺其同知府

西夏書事

卷四十

七

事等官知慶陽府蒲察鄭畱出兵力戰乃引歸

秋八月破金邠州降其節度使烏林答琳

答琳尙金部國公主爲靜難軍節度夏兵攻城答

琳中風不能戰遂降金主遣通事張福孫來視答

琳公主以其狀付福孫福孫還以聞金主諭夏國

善視之

冬十一月攻金會州敗于窄土峽靈武府西

遵頊知金主永濟被弑國中大亂出兵突攻會州

金都統徒单醜兒引大軍拒戰于窄土峽副都統

烏古論長壽先登陷陣夏兵不支走東關堡再戰復敗

十二月破鞏州執節度使夾谷守中殺之于平涼城

下

夏金接壤之處雖多溝坂並無長河大山爲屏蔽

金人向恃陝西弓箭手善戰禦敵夏國畏之及徙

屯他所遵項以數萬騎攻破鞏州執守中脇降不

屈載而西進圍平涼使其至城下諭降守中呼城

上曰夏人矢盡且遁慎勿降夏兵交刃殺之按察

西夏書事

卷四十一

八

副使盧庸登陴拒戰矢盡募人取夏兵所射城上箭以濟夏兵不能克

附金史蒲察鄭畱傳至寧元年知平涼是時平

涼被兵夏人復來攻鄭畱收潰卒爲拒守計夏

兵乃退按至寧盡九月平涼被兵在夾谷守中

傳已云至寧末此更不知何時

嘉定七年

金貞祐二年蒙古太祖九年

夏光定四年秋七月遣使

入西和州請會師圖金

左樞密使吐蕃路招討使萬慶義勇遣蕃僧滅波

把波等賫蠟書二丸至西和州之巖昌砦議夾攻
金人圖復侵地制置使董居誼初入蜀恐其詐不
報訊遂中絕

按夏自安全啣失援之憾搆怨于金遵頊繼之

金平涼鞏會間無歲不擾而又力弱勢衰不能得
賊志因思假宋兵威以逞其忿何嘗爲中國計哉
況戎性輕忽勝則爭趨敗則四潰觀後日鞏秦
入員之役進退無恆夏可用宋宋不能用夏絕之未
爲不是續綱目發明以夏之請師爲向義宋之
不報爲失策是徒論其理尙未揣時勢立言也

西夏書事

卷四十一

九

八月攻金慶原延安諸州

初遵頊令歸國人喬成賫書于金言邊吏侵掠乞
加禁戢金主知其飾辭不荅遵頊率眾攻掠諸州
金主令有司移文責之

冬十一月援金叛人程陳僧于蘭州

金蘭州譯人程陳僧聚眾叛敗金人于龕谷遣僞
統制董九招西關堡都統王狗兒狗兒殺九起兵
拒陳僧來乞援遵頊以兵三千應之

嘉定八年

金貞祐三年蒙古太祖十年

夏光定五年春正月攻金

環州金使來謝不可進圍積石州

先是夏兵掠武延川金邊吏亦稍侵夏境以報遵

頊怒遣兵攻環州金主命治邊吏罪以謝遵頊不

可進圍積石爲都統姜伯通所拒不克而還

二月破安鄉關復攻環州軍實乏不克出沒賊境

金都統曹記僧萬戶忽三十禦之不得進再攻環

州刺史烏古論延壽及斜卯毛良虎敗之境上

秋九月金討叛人程陳僧復以兵援破西關堡圍第

西夏書事

卷四十

十

五將城

初金主議伐夏國陝西宣撫使奏往者夏人侵我

環慶河蘭積石及出兵應之悉遁去蓋爲我有備

也今蘭州潰兵猶未集軍實多不完沿邊地寒春

草始生未可芻牧兩界無煙火者三百餘里不可

輕舉金主從之遣河州提轄曹記僧通遠軍節度

完顏狗兒討陳僧以絕內援遵頊出師赴救與金

兵戰互有勝負己以輕兵襲破西關堡圍第五將

城與金萬戶楊再興相持數日而解

按討而書援罪援者也

冬十月攻金保安延安不克圍臨洮府破之

夏兵攻保安與都統完顏國家奴戰不勝再攻延

安又爲戍將所敗乃合右廂精兵八萬圍臨洮金

陝西宣撫副使完顏胡失刺來援夏兵伏渭源堡

擊敗之執胡失刺遂破臨洮

攻熟羊砦

夏兵侵金不已金主以空名宣勅付陝西宣撫使

夏人入寇有臨陣立功者五品以下並聽遷授于

西夏書事

卷四十

十一

是金兵皆力戰夏衆數萬攻綏德之克戎綏平皆

敗又攻熟羊砦陝西副統軍移刺塔不也以兵萬

人拒戰遂卻

十二月合金叛將程陳僧兵攻臨洮府敗績

初遵頊破臨洮不守金將陀滿胡土門修復其城

陳僧遣使請攻遵頊遣兵數萬合陳僧兵復圍臨

洮扼渭源堡內外不通者半月城中粟不支衆心

危甚胡土門日勉以忠義皆自奮偵城中爲夏內

應者二十人悉斬之擲首城下夏兵四面力攻胡

土門絕壯士夜襲營壘夏兵亂金兵乘之大敗
圍定羌州

爲金防禦使納合蒲刺都所敗

嘉定九年

金貞祐四年蒙古太祖十一年

夏光定六年夏四月葩俄

族都管汪三郎叛降于金

葩俄向屬夏國金陝西行省都元帥僕散端遣納

蘭伴僧賈諭招之汪三郎與臨洮葦黎五族都管

青覺兒積石州都管章羅謁蘭冬鐸精族都管阿

合結等相繼叛附于金金主命優給之賜汪三郎

西夏書事

卷四十

三

姓完顏氏後力禦夏兵爲金名將

五月修河橋以窺來羌城金兵焚之

遵項潛于來羌城之界河起修折橋以通兵路金

元帥右都監完顏賽不遣兵焚毀之俘斬甚衆

諜者陳呂入金被獲

遵項復圖臨鞏進取長安使呂入金界探事來遠

鎮將獲以聞金主命陝西行省嚴備之

秋閏七月金兵襲阿彌灣

夏與金屢啟兵端而奏報尙用金號是時移牒尾

署大夏光定六年鄜延路上之金主封還原牒命慶陽總管慶山奴出第三將懷安砦環州刺史完顏胡曾出環州兩路進攻遵頊點集諸軍戒不與戰金主恐有詐諭諸軍勿輕進惟提控完顏狗兒兵由蘭州西關堡招降舊部曲九人掩襲阿彌灣殺將士數百人人與蒙古戰其文或外關等

八月攻金安塞堡

金元帥左監軍烏古論慶壽自延安遣軍援之夏兵敗復戰于鄜州之倉曲谷亦不勝

西夏書事

卷四十

三

掠結耶觜川不克勒兵據車兒堡

金右都監完顏賽不拒之退據車兒堡再戰又敗

九月連蒙古兵攻金延安府及代州遂破潼關

遵頊數戰不勝遣人與蒙古連兵攻延安代州等

郡殺經畧使奧屯醜和尚進犯潼關金西安軍節

度使尼龐古蒲魯虎戰歿關遂破黃空次顯

按蒙古夏之仇也金夏之鄰也與鄰爲仇而與

仇爲比書以見其不智宋史書錄解題

冬十一月圍金定西城或謂土金主徒

遵頊既破金兵復遣騎四萬餘突圍定西鞏致攻
具志在必取金提控赤蓋石喜與節度使楊榦烈
率兵鏖戰夏兵被斬者二千餘級失馬匹八百器
械無數
十二月金兵攻鹽宥夏諸州
先是金主與皇太子議伐夏以右監軍陀滿胡土
門延安總管古里甲石倫攻鹽宥夏諸州慶陽總
管慶山奴知平涼府移刺塔不也攻威靈安會等
州遵頊分道出兵拒之金兵不能進

西夏書事

卷四十

殺金守臣劉德基

德基金貞祐初進士守官邊邑夏兵攻其城德基
坐廳事積薪其旁謂家人曰城破即焚我及城破
家人不忍遂被執遵頊脇之跪不屈有故人從旁
解曰此人病狂故敢如此德基曰爲臣子當如此
吾豈狂耶繫諸獄他日召問德基終不屈大罵曰
吾豈苟生者哉遂殺之

德基殉節地與時皆不載本傳僅云貞祐元年特賜

同進士故附于貞祐之末

嘉定十年金興定元年蒙古太祖十二年夏光定七年春正月從蒙

古兵侵金敗于寧州其表遺通典卷四十一
遵頊以三萬騎從蒙古兵自三門析津北渡犯金
平陽金尙書右丞胥鼎檄絳解隰吉孟五州經畧
司合兵夾攻蒙古大敗夏兵走還道經寧州慶陽
總管慶山奴伏兵邀擊又敗金右都監完顏仲元
請乘此兵勢出夏國不意諸道並進必克興靈金
主命尙書省議之不果

披上書連兵猶夏爲政此書從侵則權在蒙古

矣自古己力不足求助于人未有不爲人役者

西夏書事

卷四十

五

况强如蒙古乎夏之不智洵不誣矣

蕃族福山以俘戶叛降于金

金除福山爲同知澤州軍州事

夏五月圍金大北岔

金都統紇石烈猪狗掩擊敗之

六月復援金叛人李平于蘭州

蘭州當金夏之衝金水軍千戶李平苦提控蒲察

燕京貪暴殺之以叛遣使至夏陳可取狀遵頊令

兵應之已而平脇其徒張展俱行展以計執平等

夏兵乃還

秋七月犯羊狼砦

先是金主欲與夏國議和右都監慶山奴言夏國必不肯和徒見欺耳遵瑁聞之戒將士無犯金境久之不果率兵攻黃鶴岔金右都監完顏閻山拒御之轉圍羊狼砦與都統黨世昌戰提控完顏狗兒遣都統夾谷瑞乘夜斫營遂解圍駐兵扼險以待左都監白撒發定西銳兵及龕谷副統包孝成火緝翻翅軍合擊不支而退

丙夏書事

卷四十

六

九月攻克戎砦

金安定堡總押李公直襲夏兵于馬家平遵瑁怒掠綏德之克戎砦都統羅世暉率兵拒之

月犯東井

西扇北第二星

冬十月金兵襲鹽井殺戍卒三百人

金人伐宋觀察使楊沃野左都監白撒將兵五千

出鞏州至鹽井故城夏兵三百據其地沃野等襲

之盡殲焉

十二月蒙古圍中興府國主走西涼

夏與蒙古自納女請降合兵攻金遂爲役屬繼徵發日多不堪奔命禮意漸疎蒙古主怒渡河來攻列城不能禦直抵中興府圍之遵頊命太子德任居守已出走西涼已而遣使請降蒙古兵退始還遵頊出奔宋金二史夏國傳不載元史太祖紀在十三年而不月太祖十三年金興定二年宋嘉定十一年也陳氏通鑑續編薛氏宋元通鑑皆在嘉定十一年十二月考金宣宗紀興定二年正月乙酉陝西行省獲歸國人言元兵圍夏王城李遵頊命其子居守而走出西涼錢大昕養新錄云夏與金相去遼遠金人于是年正月已傳聞知之則必是前一年事

西夏書事

卷四十

按國君播越之辭三如緩辭也奔急辭也走賤辭也遵頊以一國之主不能發憤自強又不能效死勿去其尙有君道乎

西夏書事卷四十終

西夏書事卷四十一

秋歟因互市不請青浦吳廣成西齋纂述

嘉定十一年金興定二年蒙古太祖十三年夏光定八年春二月以

秘書監蘇寅孫為樞密都承旨

寅孫風姿奇爽少力學善屬文以世蔭授秘書監

剛正不撓遇事敢言無所忌見遵頊與金構兵數

勸修好共拒蒙古至以涕泣爭遵頊知其忠擢之

三月遣金書請復互市不許

遵頊遺書金之綏德葭州乞復互市以尋舊盟慶

西夏書事 卷四十一

山奴以聞金主不許

三月按金夏禍結十餘年兩國之信使不通邊民之

禮市易俱絕其害可勝言哉幸而遵頊厭兵願通

和而市金主苟允其請從此講好釋怨互相為援

宣蒙古不敢輕視夏且不敢正視金矣顧失此不

測書圖後雖悔之不可及已

夏五月攻金鄜延二州三羊夏大軍入平春二

遵頊因互市不許以步騎三千引蒙古兵由葭州

西入鄜延金元帥左都監慶山奴自鄜州發兵逆戰

于馬吉峯夏兵被斬數百級失首領二人

秋七月侵龕谷砦

金提控夾谷瑞率副將趙仿拒戰不勝而還

冬十一月敗于質孤堡

夏國與質孤接壤遵項遣兵久屯其地以窺龕谷

金夾谷瑞潛兵擊敗之

金史夏國傳興定二年七月夏人犯龕谷夾谷瑞趙

仿敗之追至質孤堡考宣宗紀興定二年七月辛未夏人犯龕谷提控夾谷瑞擊走之甲午復犯龕

谷大破之十一月戊子夾谷瑞敗夏人于質孤堡自是兩事

嘉定十二年

金興定三年蒙古太祖十四年

夏光定九年春二月復

西夏書事

卷四十一

二

遣使入四川請會師圖金

金主議遷都長安先遣左都監赤蓋石喜以重兵

備鞏州遵項畏其偏令樞密都招討使甯子寧忠

翼赴四川請兵夾攻秦鞏制置使聶子述俾利州

路安撫丁焞荅書許之飭將吏嚴軍以待子述尋

罷去不果

閏三月復請和金不許襲葭州之通秦砦破之

通秦砦舊名昇囉嶺本夏國地神宗元豐五年收

復靖康中沒于金遵項復令統軍司移文金之保

安諸州有保境息民語慶山奴上其辭金宰臣言
鎮戎靈平近耗夏人數犯疆此文正緩我耳宜嚴
備以破奸謀遵頊見金不荅以兵襲破通秦砦殺
止刺史紇石烈王家奴等旋棄之歸

按書復請見改過也書不許譏失策也夏人悔

禍再請息兵金疑其詐置之不荅遂使葭秦之

其間兵戈塗毒謀國如是不亦拙乎興宗三年開金史夏國

夏四月取通秦堡金都總管慶山奴復之興宗三年開金史夏國

通秦堡舊名精移堡在通秦砦北遵頊以二萬騎

西夏書事 卷四十一 三

破之慶山奴遣提控納合買住赴援夏兵逆戰不

負勝棄堡走已復進兵取之慶山奴自將兵來攻夏

兵被斬五千級餘衆由葭蘆川遁回金史夏國傳興定三年開

月夏人破通秦砦納合買住擊之由葭蘆川遁去

考宣宗紀興定三年閏三月戊午夏人破葭州之

通秦砦四月乙酉夏人據通秦五月金人侵隆州案葭秦砦棄之

夏兵屢犯通秦金郵延路兵馬都總管完顏合達

偵知國中無備出兵由安塞堡襲之至隆州城中

步騎二千出戰而敗合達進薄城下破西北隅會

自暮引退城得全趙鼎請實數與茶額不徵金主

按前書伐茲書侵不予金之伐也夏人兩次請書和金人不許反肆攻圍豈義兵乎

六月攻金威戎砦清合兵文金而不出甯子寧數

金陝西黑風晝起有聲如雷地大震民居坍塌威

戎砦城圯更甚遵頊乘隙襲之知威戎事商衡率

蕃部土豪守禦甚力攻七日不能克書

冬十一月歸金嵐州倉使張祐不中聞魏

金明昌中夏破嵐石諸州獲祐脇之降不從羈子

西夏書事 卷四十一 四

衙頭至是求歸遵頊縱遣之魏

按歸者順詞也夏自請和不許中間雖啟兵端

善然歸其所俘則猶有修好之念焉書以予之

嘉定十三年金興定四年蒙夏光定十年春正月復

遣書四川請會師圖金魏雷大靈只孫興尉知

六丁精兩以書來許合兵攻金而師不出甯子寧遣

書復申前說責以失期魏靈只孫興尉知

二月攻金鎮戎軍魏靈只孫興尉知

先是金主令有司移牒詰責遵頊答語不遜金主

又令詞臣草牒折之遵頊怒以兵圍鎮戎數日而解更遣萬衆圍會州走其清人與會金人入三月歲星犯輿鬼會與夏國議和遵頊不從

入積尸氣會與其部高古論世顯金歡與諸味

夏四月攻金新泉城敗績辯難支方思修好無論夏

遵頊遣兵千人駐鹿兒原金左都監赤蓋石喜遣

提控烏古論世顯率偏師逐之已而以千五百人

攻新泉又為都統王定所敗至其輿山敗歸不

金兵入宥州圍神堆府金人執其部高古論世顯金

西夏書事 卷四十一 五

金慶山奴兵侵宥州守將禦之敗退守神堆府金

兵穴其城方登陴遵頊遣援師至與慶山奴戰不

勝被斬三千餘級金兵獲雜畜三千餘而去百人

五月四川宣撫使安丙使以書來辯難支方思修好無論夏

定議夾攻金人使以書報

秋八月破金會州降其將烏古論世顯金遣使議和

不可會與其部高古論世顯金

遵頊遣萬衆圍會州主兵者人馬皆衣金碧出入

陣中金同知平涼府事郭祿大引矢一發殪之又

一矢貫人兩手于樹夏兵憤併力攻之城遂破擒
祿大憐其技囚之守將烏古論世顯降關右大震

金主命陝西行省與夏國議和遵頊不從

按夏金人此舉辱國甚矣遵頊兩使議和金不事

人曰蒼直待名城屢破兵力難支方思修好無論夏

人

不從即幸而肯從其與春秋城下之盟相去

申幾何耶

進圍定西州與節度使烏古論長壽戰不克

西夏書事

卷四十一

六

峯鎮圍定西環城爲柵執烏古論世顯至城下謂

長壽曰若不速降即殺汝弟長壽不顧偕刺史愛

申阿失刺提控溫敦永昌分兵出戰夏兵退走失

馬仗甚衆

九月破西寧州再圍定西

夏兵畧綏平砦安定堡進攻西寧金行元帥府事

赤蓋石喜發兵救未至夏移兵臨洮烏古論長壽

先伏兵五千于定西險要間夏兵逆戰不利會西

寧已被併攻定西

金史宣宗紀興定四年九月庚子夏人入定西州已酉夏人陷

西寧州而烏古論長壽傳則云長壽力擊不退攻已破西寧乃犯定西傳紀不合益急長壽乘城拒戰矢石如雨夏兵死者數千被創者衆乃解

侵金鞏州戰敗會四川都統程信軍攻之不下

大將你思丁兀名二人獻計曰鞏州帥府所在破鞏州則臨洮積石河洮諸城不攻自下遵頊從之遣樞密使甯子寧鬼名公輔率兵二十萬攻鞏州金行元帥府事赤蓋石喜遣兵拒敵一日十餘戰夏兵退回南岡尋以精騎三萬傅城石喜出城奮

西夏書事

卷四十一

七

擊夏兵敗副將劉押甲玉等被擒子寧遣使入四川趣師宣撫使安丙命利州副都統程信督諸將張威王任信分道進兵克來遠鹽川兩鎮及定邊城會于鞏州城下約以夏兵野戰宋師攻城旣而合攻不克殺傷者萬計遂焚攻具拔柵自安遠砦退師石喜先伏甲要地邀擊之夏兵死亡甚衆

冬十月程信約攻秦州不從

子寧旣退程信邀之共攻秦州不從信自伏羌城

引回

黃震古今紀要安丙約夏人合攻秦鞏夏兵爽約不至我師敗績與宋史異

按鳴呼觀于鞏秦之役竊歎夏智而宋愚也鞏州自古用武地東上秦隴則雍岐之肩背竦南下階成則梁益之咽喉壞西指蘭會則河湟之要領舉是故唐入長安卽遣軍徇定隴右而秦涼之藩籬于以摧破宋人議復河湟置通遠軍以經略之熙河遂爲內地蓋隴右之都會關輔之要衝也而其地又北界大河直接賀蘭山後金貞祐中夏得之不能守至是以二十萬衆會合宋師志在必取然取之宋不能有也爲其鄰

西夏書事

卷四十一

八

于夏也若鞏旣不克則秦州隔在東南與宋之川蜀相接夏人何取乎信等見其自安遠退師欲邀之共事不智甚矣雖然是役也幸而師出無功假令鞏秦並下則夏與宋且以兵爭西土之憂方大耳

十一月殺金會州刺史郭祿大弟蝦蟆逸還

祿大兄弟被擒誓死不屈已而同謀歸金自拔鬚以改狀貌事覺祿大被殺蝦蟆逸還

十二月攻金綏德州

夏兵攻緞德大軍駐挂天山金知延安府事完顏合達將兵來援別遣先鋒提控樊澤等各率所部分三道會于山巔夏騎數萬傅山而陣合達縱兵分擊澤先登夏左軍退右軍亦敗

嘉定十四年金興定五年蒙古太祖十六年夏光定十一年春二月

侵金搜鬼堡合生以重賞募人益內諷潛其文

金人議取會州尙書右丞把胡魯力諫兵未發夏兵已由會州入境陝西行省元帥白撒設伏險要以拒郵延元帥府亦伺便出兵綴于後夏衆不敢西夏書事 卷四十一 九

進旁攻搜鬼堡爲寧遠節度夾谷海壽所敗三月破來羌城金人復之

遵頊因金叛人竇趙兒之誘遣兵破來羌據之金將孛術魯合住以重賞誘脇從人爲內應督兵攻拔之夏兵不能爭

蒙古將木華黎渡河而西秋八月遣將犒之屬以兵木華黎引兵由東勝州涉河而西夏河西諸堡悉降遵頊懼遣監府塔海宴之河南使塔哥甘普等以兵五萬屬焉

夏五月吏部尙書權鼎雄卒

鼎雄涼州人天慶中舉進士以文學名授翰林學士安全篡逆棄官入青巖山不出遵頊立召爲左樞密使嘗奉使謝金橫賜與接伴爭相見儀金人服其論正及進吏部氣宇肅然抑僥倖拔淹滯雖在亂離中無敢干以私者

秋九月縱兵入鳳州請會師伐金

自安丙納夏國之請會攻秦州夏國不肯共事遂有皂郊之敗後丙回利州安撫使崔與之戒邊將

西夏書事

卷四十一

十

自後母輕納夏使是時遵頊遣百餘騎突入鳳州邀守將請兵伐金與之使都統李冲來荅曰通問當遣介持書不當遣兵徑入若邊民不相悉或有相傷則失兩國之好宜歛兵退屯夏人知不可動乃不復言

會師伐國大事也不以使通而以兵脇書以

見遵頊之無禮

冬十月復遣將會蒙古兵于綏德州

木華黎與塔哥甘普引兵取金葭州進攻綏德破

馬蹄克戎兩砦再使徵兵遵頊遣大將迷僕帥衆會之迷僕使問木華黎相見之儀木華黎曰汝主見吾主卽其禮也迷僕曰未受王命不敢卽拜引衆先進

十一月攻金安塞堡敗績事獻辨等無備于景帝塞迷僕兵至安塞堡圍之金知延安府事完顏合達與征行元帥納合買住謀曰今先破夏人比北方兵至則易爲力矣于是潛軍裹糧倍道疾進乘夜襲之夏兵無備潰走四十里墜崖谷死者不可勝

西夏書事

卷四十一

十一

計已木華黎引大軍至迷僕贊馬而拜合圍延安合達等力拒不能克

十二月侵金龕谷砦及定西積石諸州夏人以此

初金主議合諸蕃族兵討夏國令臨洮路總管女

十奚烈古里間左右司都事趙梅等撫諭于是喬家

丙令族溪哥城諸蕃與先降族酋願助兵十萬西

取興靈遵頊聞之先發兵數十萬分三道以攻諸

城金之邊境悉爲殘破

嘉定十五年金元光元年蒙古太祖十七年夏光定十二年春正月

破金天通城二月金兵復之

大通鄰接夏境遵項遣兵攻破之起浮橋通兵以
窺鄜延金主令河西蕃部寺僧入城爲內應召陝
西行省元帥白撒授以方略命發兵襲浮橋出鎮
戎直趨西涼知延安府事完顏合達出環州別遣
將取大通出溪哥路略夏地以報三道之役白撒
同總管女奚烈古里間積石州刺史徒單牙武率
兵入境夏兵千餘遇于踏南寺敗走遵項急分大
遙守兵七千扼浮橋與白撒戰大敗溺死者幾三
千人餘衆焚橋退金兵還攻大通城守單弱內應
中起遂爲所克

西夏書事

卷四十一

十一

三月與金兵戰于永木嶺敗績
夏兵數千騎入金界至永木嶺遇金將李師林兵
敗還

夏四月河西將甘卜叛降蒙古

甘卜張掖人姓野蒲氏爲夏國世將見蒙古勢盛
率所部走降蒙古主以其兵隸蒙古軍籍仍以甘
卜爲千戶主之

六月蒙古來假道攻金

不報 皇朝蒙古通志卷之六十五 大金國志云興定六年

蒙古木華黎同右都監石天應圖金陝西諸州遣

使假道遵項許自東勝州渡河進兵

秋七月金積石州蕃族來附

積石諸蕃族見金兵屢敗求附夏國遵項受之

八月彗星見

金積石州蕃族見金兵屢敗求附夏國遵項受之

出西方兩月而滅

九月攻金德順城破之大掠神林諸堡

積石州蕃族既叛金使鞏州提控尼龐古三郎率

西夏書事

卷四十一

十三

兵討擊夏兵赴援不及遂攻德順破之進掠寧安

峽及神林諸堡

冬十一月蒙古約取金延州不果

初木華黎渡河取金葭州令石天應以勁兵五千

守之天應欲乘勢定關右發國書約夏國取延州

自移軍趨河中已爲金兵所敗天應死夏兵不出

十二月從蒙古兵攻金敗于質孤堡

蒙古約夏兵由河中葭州攻金陝西至質孤與蘭

六州提控唐括昉兵戰不勝

大金國志云興定六年是歲蒙古由回鶻往攻

西夏西夏遂
亡其說失考

嘉定十六年

金元光二年蒙
古太祖十八年

夏光定十三年春正月

遣將從蒙古圍金鳳翔不克引衆先歸

遵頊起步騎十萬合木華黎兵圍鳳翔東自扶風

岐山西連汧隴數百里皆立營柵攻城甚急金行

具元帥府事赤蓋石喜與同知臨洮府事郭蝦蟆登

陣捍禦夏首領共據胡床坐濠外指揮自若蝦蟆

持弓矢伺一將舉肘時一發中腋下甲不掩處諸

將大駭知不能克遂不告木華黎引衆先歸

西夏書事

卷四十一

十四

按

夏爲蒙古前驅書會書從不一而足茲書先

奔歸誌隙也自是以後夏不復與蒙古合而蒙古

朝滅夏之志亦于是決矣

夏四月幽太子德任于靈州

遵頊欲使德任率師侵金德任諫曰彼兵勢尙強

不若與之約和遵頊笑曰是非爾所知也彼失蘭

州竟不能復何強之有德任固諫不從乞避太子

位爲僧遵頊怒幽之靈州遣人代將出兵

按

太子國之儲副非大罪不輕幽廢德任見父

八月竄兵固諫不聽乃乞避位非欲以身感悟其父乎遵頊不以爲賢反以爲罪嗚呼秦政逐扶蘇而二世亂隋文廢子勇而一傳亡拓跋氏之衰詎有異耶

五月大旱

興靈自春不雨至于五月三麥不登飢民相食遵頊點兵不能遽集

六月侵金隴安軍

夏國連年用兵金延安慶原元帥府欲乘倣伐之

西夏書事

卷四十一

五

陝西行省元帥白撒以爲不可惟宜繕兵爲備會六隴安節度使完顏阿鄰日與將士宴飲不治軍事遵頊遣萬騎攻之十餘日掠人民五千餘牛羊雜畜無算

秋七月破金積石州降其羌界寺族

遵頊令親軍萬人攻積石破之羌界寺族多降惟桑逋寺僧看逋昭逋斯沒及荅那僧奔鞠等拒而不從

八月熒惑入輿鬼

掩積尸氣

誘金陰坡族叛

陰坡族之骨鞠門等遵項遣人誘之叛附金元帥

爽谷瑞發兵討破之夏兵不能救

九月朔日有食之

食既色淡無光興慶府城外大風拔木

冬十月蒙古兵圍積石州五日而解

蒙古以鳳翔之役惡夏無禮遣將攻積石州

積石西蕃

溪哥城地金夏兩有其名然宋史積石軍所屬一岩兩堡金史城一岩三堡三界至不甚相同俟考

西夏書事

卷四十一

共

四出抄掠逾旬聞金人圖其後解圍去

罷御史中丞梁德懿

蒙古兵雖退國中荒羸殆甚遵項猶集十二監軍

司兵圖金鞏州德懿上言天人之道理自相通國

家用兵十餘年田野荒蕪民生塗炭雖婦人女子

咸知國勢瀕危而在廷諸臣清歌夜宴舌結口柑

太子以父子之親憂宗社之重毅然陳大計獻忠

言非得已也一旦位遭廢斥身辱幽囚宜乎天垂

變異歲告災祲臣望主上撫恤黎庶修睦鄰邦召

還青宮復其儲位庶幾臣民悅服危者得安遵項
惡其言直面詰之令致仕德懿雖世胄性恬退歸
後十餘年逍遙山水而卒

十一月金人取會州自京

金鞏州元帥田瑞與通遠節度郭蝦蟆議復會州
蝦蟆親率騎兵五百衣皆赭蔽州之南山而下城
上猝見驚以爲神有舉手于懸風板者蝦蟆射之
手與板俱徹凡射死者數千人兵民震恐出降

十二月國主傳位于子德旺

西夏書事

卷四十一

七

蒙古數遣使譙讓遵項懼遜位于次子德旺自號

上皇

按

昔唐元宗之禪位太子假鴻名以維繫人心

雖正國本以號召天下實勢所不容已者今遵項

未聞有是徒以蒙古兵深思委責于子直書其

事而不足取意自見

對十餘年戲山水而卒

惡其言直面詰之令致仕德懿雖世胄性恬退歸

西夏書事卷四十一終

西夏書事卷四十二

青浦 吳廣成 西齋 纂

嘉定十七年 金哀宗守緒正大元年蒙古太祖十九年 夏乾定元年春正

月裕陵泰陵災

草木皆流血德旺遣官禳之二十日止

五月結漠北諸部兵以拒蒙古

德旺聞蒙古王征西域未還遣使結漠北諸部為

外援陰圖拒守計諸部出兵應

夏五月蒙古兵圍沙州不克

西夏書事

卷四十二

一

蒙古主自西域還聞夏國有異圖自將兵由河外

攻沙州逾月不下遣部下兵夜穴城以入守將籍

辣思義納火穴中蒙兵多死思義城守如故

秋九月蒙古破銀州

蒙古久攻沙州恐銀夏出兵赴援遣大將孛魯黑

馬等分兵攻銀州監府塔海出戰兵敗被俘斬首

數萬級獲生口牛羊數十萬銀州遂破

按

蒙古之強非夏力所能制德旺嗣立之初即

誘諸部使為我用可謂得勝算者乃事機不密

以業反爲所乘是天祐蒙古耳豈謀之不臧耶書以
宋興惜之

冬十月奉表修好于金

夏自宣和末臣金八十餘年鮮兵革事自蒙古之
圍金人失援以致搆難十年一勝一負兩國精銳
十俱盡至是蒙古勢益強夏國西北疆場日削德旺
用右丞相高良惠謀遣使如金請修好

按睦鄰修好春秋善之况夏與金世爲與國哉
然當金兵未弱己力未衰合之則可以捍蒙古

西夏書事

卷四十二

二

乃于困敝之極方始請和鷓蚌之爭將解兩虎
之力已傷卞莊漁人旋制其後矣嗚呼若德旺
者智勝其父而生不遇時良可惜已

十一月遣使蒙古請降沙州圍解

德旺聞銀州不守漠北諸部潰散遣使詣蒙古軍
前請降許以質子爲信蒙古主始解沙州圍城中
堅守半載軍民困乏食牛羊馬馳殆盡

宋理宗寶慶元年

金正大二年蒙古太祖二十年

夏乾定二年春三

月蒙古使來責任子不遣

蒙古遣其臣孛禿至夏國責遣質子德旺猶豫未
決右丞相高良惠言兩國相交忠信爲主彼強吾
弱勢難背言宜擇宗室之賢者加以王號錫以車
旗俾結蒙歡庶幾稍紓國患德旺曰我方修好金
源共支北敵任子一往受其束縛後悔何追樞密
使李元吉曰蒙古虎狼雖恭順不違猶恐咆哮其
性若反覆無恒是自啟兵端也况金勢寢衰自守
不支焉能濟我耶德旺不聽謝孛禿遣回

按

自古會不信而有盟盟不信而有質許以質

西夏書事

卷四十二

三

而不遣則降亦不足信矣德旺不慎許于前而
不輕悔于後不適以速之禍哉

夏六月太白晝見

與日爭明德旺求直言殿中御史張公輔疏陳經
國七事一曰收潰散以固人心自兵興之後敗卒
旁流飢民四散若不招集而安撫之則國本將危
臣願勞來還定計其室家給以衣食庶幾兵民樂
業效忠狗義靡有二心二曰堅盟信以紓國難蒙
古孛禿去時堅請三思再議今爲時半載未見兵

臨或者尚深觀望急宜遣使納質以示忠誠使彼師出無名我得徐爲善後臣知言而無補然非此無以弭患也三日修城池以備守禦銀州失守河西諸隘與敵同之千里之內樓櫓斥堠蕩然無存宜乘北兵暫去繕隍浚濠無事則安堵堪資兵至則拒險可守若任其如入無人豈不殆哉四曰明軍政以習戰守國家向有綏宥諸羌藉以立國嗣爲宋金控據兵勢寢衰今惟料爪肅精強興靈勁勇明賞罰計功能委之宿將親臣量敵爲進退視

西夏書事

卷四十二

四

地爲攻守或者積衰之後可冀振興五曰聯烽堠以立應援自金源開隙使介不通往來禁絕越人視秦肥瘠無關致蒙古乘隙屢肆兵凶今宜遣使與金約和兩國各置邊烽設偵候此舉彼應彼困此援我兵氣壯敵亦不敢正視矣六曰崇節儉以裕軍儲國經兵燹民不聊生耕織無時財用並乏今將宮中府中浮靡勲臣戚臣賞賚去奢從儉以供征調之用則糧足而兵自強耳七曰觀利便以破敵勢蒙古距國千里初來不拒繼與連兵俾其

險阻旣明道路盡熟若不出奇奮擊何以示我兵威議者以王城可守任其連破州郡是猶心腹之疾先起手足可不急爲療救乎今聚境內精兵猶可數十萬果能鼓勵士氣效命一戰客主勢殊應無不勝若狐疑滿腹首鼠兩端亡在旦夕矣德旺善其辭切擢爲御史中丞

秋七月宗室李楨入于金

楨爲國疎族其父因國亂不仕挈楨入金應經童

試中選

元史楨傳後長入爲質子以文學得近太宗從征伐賜虎符授襄陽軍馬萬戶

西夏書事

卷四十二

五

八月遣使聘金且議和事

德旺遣光祿大夫吏部尙書李仲諤南院宣徽使羅世昌尙書省左司郎中李紹膺聘于金請以兄事金各用本國年號金主謂羣臣曰夏國從來臣事我朝今稱弟以和吾不以爲辱者冀得通好以息吾民耳遣翰林待制馮延登行臺令李獻甫爲館伴僉議歲賜仲諤等多口辨延登不能折獻甫曰夏國與本朝和好百年今雖易君臣之名爲兄弟之國使兄而輸幣寧有據耶仲諤曰兄弟且不

論宋輸吾歲幣二十五萬典故具在金朝豈不知之獻甫正色曰使者尙忍言耶宋以歲幣餌君家而賜之姓岸然以君父自居夏國君臣無一悟者倘如宋舊本朝雖歲捐五十萬亦可伸諤等語塞遂定議

附

金史交聘表正大二年十月遣聶天驥張天

綱使夏議和事攷哀宗紀秋九月夏和議定十月無遣天驥等事而二人本傳亦不載

九月蒙古仇人赤臘喝翔昆來奔納之

西夏書事

卷四十二

六

赤臘喝翔昆乃蠻部屈律罕子蒙古滅乃蠻屈律罕走死契丹蒙古主索其子赤臘喝翔昆走投夏國德旺以其同仇納之給以糧糗

冬十月南院宣徽使羅世昌罷

世昌自奉使回見金勢日蹙每言金援不足恃勸德旺爲自強計及納赤臘喝翔昆力諫不聽遂乞休三請方許之世昌世居銀州鄉里已破流寓龍州知國且亡譜夏國世次二十卷藏之

十一月金使來報聘

金主遣禮部尙書與敦良弼大理卿裴滿欽甫侍
御史烏古孫宏毅來報成書稱兄大金皇帝致書
于弟大夏皇帝闕下自是夏與金脩好

十二月復與金互市

德旺遣徽猷閣學士李弁請互市往返不能決金
主命禮部尙書楊雲翼議之始定

遣使賀金正旦

夏自兵交後不復賀金正旦德旺始遣精鼎陔押
使武紹德副儀增御史中丞咩元禮如金行賀正

西夏書事

卷四十二

七

禮金主命禮臣定擬使者見辭儀注特厚之

金史禮志

新定夏使入見儀金主御座羣臣小起居畢閣門
使奏夏使見客省與夏使副對立于幕前使者奉
書揖畢對行左上露臺殿檐柱外奉書單跪閣使
接書使副就拜位立閣使奏書全讀畢引使副入
殿鞠躬再拜復少前跪奏弟大夏皇帝致問兄大
金皇帝聖躬萬福再拜興復位金主乃宣問夏皇
帝使副鞠躬受旨畢少前跪奏弟大夏皇帝聖躬
萬福拜復位從左退下塔至丹墀北向立以禮物
右入左出盡使副再至丹墀舞踏不出班重奏聖
躬萬福畢再拜雙跪金主遣人勞問復位謝恩再
出班謝面天顏復位五拜再出拜謝遂差接伴賜
湯藥諸物復位舞踏再拜引右出次引都管上中
節左入丹墀立下節于塔下立齊鞠躬通名先再
拜不出班奏聖躬萬福再拜下節鞠躬聲啞初一
拜呼萬歲次一拜呼萬歲臨
起呼萬萬歲祇候引右出

寶慶二年

金正大三年蒙古太祖二十一年

夏乾定三年春二月蒙

古攻黑水城破之

正蒙古主積怒夏國親將兵十萬來攻至秦川德旺

遣人撤橋梁拒之蒙古宣撫使王檝夜督士卒運

木石比曉橋成遂進兵度沙磧入河西擊散撒里

特勒赤閱諸部攻黑水城破之蕃部死者數萬

三月策士賜高智耀等進士及第

智耀右丞相良惠孫見國事殷不願受職後隱賀

蘭山

元史智耀本傳元太宗訪求河西故家子弟之賢者衆以智耀對召見將用之遽辭歸及

西夏書事

卷四十二

八

憲宗即位拜翰林學士至元五年用之數論其擢西夏中興等路提刑按察使卒

河西旱

二河西諸州草木旱黃民無所食

夏四月蒙古兵駐渾垂山

渾垂山在肅州北蒙古主駐兵避暑兵士四出抄

掠民間窖積皆盡

五月屠肅州

古肅州守將乃蒙古千戶昔里鈐部兄堅守不下蒙

古主遣鈐部諭之降不聽及城破軍民盡屠之

故主遵頊卒

年六十四在位十三年改元一諡曰英文皇帝廟

號神宗

論曰遵頊才堪魁士時際承祧以序以賢史不

詳載然當蒙古寢強國兵衰弱計惟尋金舊好

遣使連盟虞虢合而夏陽無虞趙魏交而秦兵

自退否則保境息民練兵積粟不惟可守亦足

自強乃約宋之使三行援叛之師再出始而失

之蒙古取償金人旣而欲厄金人轉從蒙古豈

西夏書事

卷四十二

九

知佳兵不祥黷武自及北兵再至束手無謀倉

卒出奔遼遼內禪幸而天不永年父子同殞不

然徽欽五國是其前車也

六月蒙古取甘州副將阿綽等死之

甘州守臣曲也怯律蒙古將察罕父蒙古主遣察

罕射書招怯律且遣使諭城中降怯律將應之副

將阿綽等三十六人合謀殺使者及怯律全家併

力捍拒蒙古主親將兵攻之城破阿綽等皆死

秋七月蒙古破西涼府

蒙古主進兵攻西涼宿衛官粘合重山執大旗指
揮六軍手中流矢不稍動守臣斡扎斡力屈率父
老啟門降于是擄羅河羅等縣皆不守

國主德旺卒弟子覲立

蒙古兵深入城邑盡潰德旺憂悸不知所爲發病
卒年四十六在位四年改元一廟號獻宗國人立
其弟清平郡王子南平王覲遣使報哀于金金遣
中奉大夫完顏履信昭毅將軍太府監徒單居正
弔奠

西夏書事

卷四十二

十

論曰德旺身當末造時值艱危受命之初念生
中民之害首罷用兵納忠諫之言專尋盟好交鄰
其不屬經國有謀可謂能幹蠱矣無如積衰難振
卒小善莫支戎馬滿郊財用困竭在位三年竟以
憂卒滕文恐而國亡簡文危而身弑知憂患而
不生亦可憫已

八月蒙古兵破應里等縣

應里與蘭州接境西據沙山東阻大河蒙古主踰
沙陀至黃河九渡攻破之

九月金還所掠人口五萬餘人之數皆百無一二白骨

夏國營田實占正軍一有徵調輒妨耕作所以土

瘠野曠兵後尤甚金主聞國事日蹙以前取會州

時所掠人口悉縱還之金主割平涼與宋史冊

冬十月蒙古破夏州州人米速忽里降于于而安

蒙古主選居宿衛使掌膳事

十一月蒙古取靈州克兀納刺城故太子德任死之

賜遣大將鬼名令公以十萬衆救靈州蒙古兵渡

河邀擊夏兵敗走領軍佐里等戰歿遂取靈州進

西夏書事

卷四十二

克兀納刺城德任被執不屈死之有子惟忠方七

歲求從死蒙古將異而執之

元史主將執惟忠以獻宗王合撒兒王留

十養之及嗣王移相哥立惟忠從經畧中原有

功淄川王分地以惟忠爲達魯花赤佩金符

冬十月時德任不廢纂承夏緒雖未必有補于亡而守

御國君死社稷之義較睨之降不有光史冊耶

十二月蒙古大鹽州川大殺居民以前頭會

蒙古主旣破諸城邑以大兵久駐鹽州川四面搜

人殺遺民民至穿鑿土石避之免者百無一二白骨

蔽野數千里幾成赤地

按書大殺著蒙古暴也國以民爲本取其地而

二日殲其民與不取何異噫以蒙古之強不再傳而

來遂亂豈非天道惡殺而降之罰哉

進圍中興府林學士李烈大戰

蒙古主遣大將阿魯朮督諸軍趨中興府視駐兵

于合刺合察兒地拒之阿魯朮兵至拒戰不克奔

回阿魯朮遂作長圍困之

遣使如金請停使聘

西夏書事

卷四十二

十二

以蒙古深入兵事方殷也

寶慶三年

金正大四年蒙古太祖二十二年

夏乾定四年

視以國勢瀕危卽位不改元仍稱乾定

春正月金使賀正旦

金主遣翰林學士李蹊大理卿裴滿欽甫持國書

來賀時軍務旁午館燕皆不成禮

二月蒙古取積石州謀以兵襲之不果

夏國春寒馬飢人瘦兵不堪戰蒙古主率衆渡河

徑攻積石千戶按竺邇先登破之駐兵城中軍士

多患疫疢聞謀以兵襲之初靈州破蒙古諸將爭掠子女財帛獨耶律楚材取書數部及大黃兩駝是時病得大黃輒愈所將數萬人皆無恙夏兵遂不敢出

三月蒙古破沙州

蒙古主遣忽都鐵穆兒招諭州將州將僞降以牛酒犒師而設伏以待忽都鐵穆兒至伏發馬躓幾被獲千戶昔里鈐部授以所乘馬還兵擊敗夏兵遂破沙州

西夏書事

卷四十二

十三

夏四月右丞相高良惠卒

良惠忠懇有經濟才遵頊時數論事不見信德旺立首進和金三策兩國遂脩好及德旺不遣任子力諫不納退謂人曰禍在是矣已遵頊德旺相繼卒元兵至主覲不能措一謀良惠內鎮百官外厲將士日夕拒守自冬入夏積勞成疾僚佐勸自愛良惠撫膺嘆曰我世受國恩不能芟除禍亂使寇深若此何用生爲遂卒年六十七吏民悲泣主覲哭臨其喪三城中奪氣

閏五月蒙古遣使諭降

天大暑蒙古主自龍德州避暑六盤山見夏援兵四絕猶不出降遣御帳前首千戶察罕入城諭禍福覲不聽

六月太白入東井

地大震宮室多壞王城夜哭

國主覲出降蒙古執以歸

夏兵堅壁半載城中食盡兵民皆病覲率文官李仲諤武臣嵬名令公等奉圖籍出降蒙古主繫以

西夏書事

卷四十二

十四

歸

秋七月至薩里川殺之

覲舉族隨蒙古軍次薩里川蒙古主卒諸將恐爲變執覲殺之覲立凡二年國亡夏自思恭節度夏綏至德明封夏王凡十一世合一百五十四年自元昊稱帝至覲亡凡十主合一百九十六年

論曰覲嗣立逾年設施少見豈史文之失載或時勢之難爲然蒙古世仇先君賚恨當其兵困興州民艱穴處計惟收合餘燼背城借一勝則

國之福也不勝則以身殉之漢之北地秦之佛
念且然况有社稷之寄者乎奈何志甘屈膝願
作俘囚偷生而卒不得生以視德任之死洵有
愧已

紹定四年

金正大八年蒙
古太宗四年

夏四月夏故臣王立之隱

于申州

初夏主覲遣精方甌匝使王立之聘于金未復命
而國亡金主賜立之京兆安置充宣差彈壓主管
夏國降戶是時立之妻子三十餘口至金環州金
主賚以金帛歸之立之上言先世本申州人
乞不仕退居申州金主如所請以故官主管唐鄧
申裕等處降戶仍賜上田千畝及牛具農作立之
自耕食終其身焉

按

古言歲寒知松柏風疾識勁草夫天地有勁

草松柏則真氣常伸國家得義士忠臣則餘芬

不盡蓋血性所貫注實可以維國脉而繫人心

故晉之亡也不亡于零陵禪位而亡于陶潛之

卒隋之亡也不亡于煬帝東閣而亡于君素之

殞由是而降昭宣被弑唐未亡也至承業身死而宗墟帝昺自沉宋未亡也必信國殉難而祚絕不然姓旣更矣物旣改矣之數人者史冊猶繫以晉繫以隋繫以唐宋何爲者旣繫之以晉隋唐宋卽謂之晉隋唐宋未亡也可今攷夏國之亡宗室如李楨屈膝降矣世將如甘卜率屬歸矣貴胄如高智耀亦始拒而終臣矣他若豪士謝睦歡木速忽里輩莫不攀鱗附翼以就功立之身辱下僚心懷故國迹其桑梓貧居

四十二

六

與晉處士夫耕于前妻鋤于後高風

千古焉西夏小邦具此亮節向非乾順仁孝重學尊儒遺澤所留焉能致此乎嗚呼宗社可夷版籍可歸惟斯忠義之氣不可以一朝滅是則強敵爲之氣索故國藉以生光者也余特書其事于篇末以見弱主雖亡其國孤臣未沒其心云爾

論曰夏自思恭定難肇錫軍名漢隱酬勳大啟土宇子孫更臣五代夏綏撫有百年蓋李氏之

迨邦舊矣宋興以後歷彝興克獻繼筠屢建膚
功頻膺寵秩允茲卜世永作西藩迨繼捧歸朝
西平失緒拓跋之鬼不其餒而繼遷奮袂窮荒
稱戈漠北旣恢舊物復創新圖雖係雄謀聿由
先烈德明貌稱恭順而竊帝國中追尊父號已
非純臣元昊幼具梟姿長隆凶緒始爲逆子繼
作賊臣人盡得誅法豈容貫祿山賜潰于牀全
刀出于背君子謂其有餘辜焉諒祚弱而能
而旋復天固未欲亂夏國也斯強臣

四十二

七

長其奸乎乾順享國最長拓地最廣
宋臣遼臣金一身而事三姓高無賴馬長
樂其先尊與仁孝文治有餘武備不足純佑秉
姿忠厚處事優柔一見脇于權奸一受戕于宗
室夏業中衰于是乎始安全親爲大逆妄竊鴻
名毒甚楚圍惡彌周帶又復私懷小忿尋難同
盟遵項承之禍連不解殫其民力竭其資財兩
世窮兵于戈自及天道好還理固然耶德旺時
移勢去災害頻仍雖有良謀難回積弱睨也立

